



QBE PA Protector- Insurans Kemalangan Diri

LEMBARAN PENDEDAHAN PRODUK

(Baca Lembaran Pendedahan Produk ini sebelum anda memutuskan untuk memohon QBE PA Protector. Sila juga pastikan bahawa anda telah membaca terma dan syarat am polisi ini.)

1. Apakah produk ini?

Polisi ini menawarkan ganti rugi sekiranya berlaku kecederaan, hilang upaya atau kematian yang disebabkan semata-mata dan secara langsung oleh kemalangan (kecuali sebarang penyakit, penyakit atau masalah kesihatan) dengan syarat bahawa kecederaan yang berlaku akibat daripada Kemalangan (seperti yang ditakrifkan di dalam polisi) berlaku semasa tempoh Insurans.

2. Apakah perlindungan / faedah yang ditawarkan?

Manfaat Utamanya adalah:

- Bayaran Sekaligus untuk Kematian & Hilang Upaya Kekal Akibat Kemalangan

Perlindungan Lain termasuk:

- Melindungi perbelanjaan untuk rawatan perubatan akibat kemalangan termasuk Sinseh, Kiropraktor & rawatan tradisional
- Tawaran Bonus Pembaharuan
- Perlindungan untuk jangkitan Virus Kurang Daya Tahan Manusia (HIV) akibat Transfusi Darah semasa menjalani rawatan perubatan bagi kecederaan atau penyakit.
- Pembayaran untuk perbelanjaan perkabungan (sekiranya berlaku kematian disebabkan penyakit khusus Demam Denggi, Malaria, Chikungunya & Ensefalitis Jepun)
- Pembayaran untuk perbelanjaan pengebumian kerana kematian akibat kemalangan
- Pembayaran untuk Impotensi atau Ketidaksuburan Kekal akibat kemalangan
- Pembayaran untuk pembetulan pergigian atau kosmetik yang disebabkan oleh kemalangan.
- Pembayaran untuk perbelanjaan Ambulans.
- Pembayaran untuk perbelanjaan penghantaran pulang.
- Membayar untuk perbelanjaan yang ditanggung sendiri bagi kemasukan hospital lebih daripada 14 hari berturut-turut.
- Membayar untuk pembelian Prostesis / Kerusi Roda disebabkan oleh kemalangan.
- Melindungi perbelanjaan dan ganjaran penemuan semula dalam kes penculikan.
- Melindungi keguguran akibat kemalangan kenderaan motor
- Pembayaran untuk kehilangan atau kerosakan barangan peribadi akibat kecurian ragut
- Menawarkan perlindungan seluruh dunia untuk Liabiliti Diri.
- Menawarkan Ganti Rugi Berganda untuk perlindungan tertentu
- Perlindungan untuk kecederaan atau kematian disebabkan tindakan keganasan.

Nota:

Sila rujuk Borang Cadangan untuk jumlah yang diinsuranskan bagi setiap manfaat yang dinyatakan di atas. Bagi hilang upaya, sila rujuk kepada skala manfaat dalam contoh kontrak polisi. Tempoh perlindungan adalah selama satu tahun. Polisi ini mengandungi Klausula Pembaharuan Automatik, melainkan jika Anda memilih untuk 'Tidak Menyertai' seperti yang dinyatakan di dalam Borang Cadangan.

3. Berapakah premium yang perlu saya bayar?

Jumlah premium yang anda perlu bayar mungkin berbeza bergantung kepada pelan yang anda pilih, pekerjaan anda dan keperluan pengunderaitan kami. Sila rujuk kepada borang cadangan untuk premium tepat yang dikenakan.

4. Apakah yuran dan caj yang perlu saya bayar?

Jenis

Komisen yang dibayar kepada ejen insurans
 Duti setem
 *SST

Jumlah

Sehingga 25% daripada premium yang dikenakan
 RM10
 8%

*QBE Insurance (Malaysia) Berhad memelihara hak untuk menyesuaikan kadar cukai perkhidmatan yang dikenakan ke atas premium polisi mengikut sebarang perubahan kepada undang-undang dan garis panduan cukai perkhidmatan. Sebarang modifikasi akan dilaksanakan mengikut perubahan rangka kerja undang-undang yang sedia ada dari semasa ke semasa.

5. Apakah kepentingan pendedahan ini?

- Menurut Jadual 9 di bawah Akta Perkhidmatan Kewangan 2013, jika anda memohon insurans ini sepenuhnya untuk diri sendiri/keluarga/ tanggungan (Kontrak Insurans Pengguna), anda mempunyai kewajipan untuk mengambil langkah yang munasabah untuk tidak salah nyata dalam menjawab soalan-soalan dalam Borang Cadangan ini. Anda dikehendaki mengisi Borang Cadangan ini dengan lengkap dan tepat. Jika sebaliknya ini boleh menyebabkan kontrak terbatal, penolakan atau pengurangan tuntutan, penukaran terma atau penamatan kontrak.
- Kewajipan pendedahan ini bagi Kontrak Insurans Pengguna dan Bukan Pengguna akan berterusan sehingga masa kontrak tersebut di buat, diubah atau diperbaharui.
- Selain daripada menjawab soalan-soalan di dalam Borang Cadangan (atau semasa anda memohon insurans ini), anda dikehendaki untuk mendedahkan apa-apa perkara lain yang anda tahu akan mempengaruhi keputusan kami dalam menerima

risiko dan menentukan kadar dan terma untuk digunapakai.

- Anda juga mempunyai kewajipan untuk memberitahu kami dengan serta-merta sekiranya apa-apa maklumat yang dinyatakan di dalam Borang Cadangan (atau semasa anda memohon insurans ini) adalah tidak tepat atau telah berubah pada bila-bila masa selepas kontrak insurans disertai, diubah atau diperbaharui dengan kami.

6. Apakah terma dan syarat penting yang patut saya ketahui?

- **Prosedur Tuntutan**

Notis serta-merta hendaklah diberikan kepada Syarikat dalam masa 30 hari bagi sebarang kejadian yang mungkin menimbulkan tuntutan di bawah Polisi ini. Kenyataan yang terperinci secara bertulis yang menerangkan kejadian itu hendaklah diserahkan kepada Syarikat.

- **Premium perlu dibayar sebelum bermulanya perlindungan**

- **Prosedur Pembaharuan**

Polisi ini mengandungi Klausula Pembaharuan Automatik yang bermaksud kami akan memperbaharui polisi anda secara automatik dan mengecaj bayaran premium ke kad kredit anda yang dibenarkan 30 hari sebelum tarikh luput, melainkan jika anda memilih untuk 'Tidak Menyertai' dengan menandakannya di dalam Borang Cadangan.

7. Apakah pengecualian penting di dalam polisi ini?

Polisi ini tidak melindungi kematian atau kecederaan yang disebabkan oleh kejadian berikut:

- Risiko perang, reaksi nuklear, radiasi nuklear atau pencemaran radioaktif
- Aktiviti sukan profesional
- Sukan berbahaya
- Penerbangan atau aktiviti udara lain kecuali sebagai penumpang dalam pesawat berkuasa yang berlesen
- Perbuatan jenayah dan menyalahi undang-undang
- Kecederaan terhadap diri sendiri yang disengajakan atau bunuh diri
- Melahirkan anak atau kehamilan
- Memandu kenderaan semasa di bawah pengaruh alkohol
- Berada di bawah pengaruh dadah kecuali diambil mengikut nasihat perubatan yang sewajarnya
- Sindrom Kurang Daya Tahan Penyakit (AIDS)
- Jangkitan Virus Kurang Daya Tahan Manusia (HIV)
- Penyakit sedia ada
- Pembunuhan atau serangan yang diprovokasi
- Undang-undang Pampasan Pekerja

Nota:

Senarai ini adalah tidak menyeluruh. Sila rujuk contoh kontrak polisi untuk senarai penuh pengecualian di dalam polisi ini.

8. Bolehkah saya membatalkan polisi saya?

Anda boleh membatalkan polisi ini dengan memberi notis bertulis kepada kami. Selepas pembatalan, anda layak menerima pemulangan premium berdasarkan tempoh insurans yang belum luput, dengan syarat bahawa tiada tuntutan dikemukakan atau dibayar di bawah polisi itu, dan pemulangan premium adalah tidak kurang daripada RM10.00.

9. Apa yang perlu saya lakukan jika terdapat perubahan kepada maklumat peribadi saya?

Adalah penting untuk anda memaklumkan kepada kami tentang apa-apa perubahan dalam profil kehidupan anda termasuk pekerjaan dan kegiatan peribadi anda yang akan menjejaskan profil risiko.

10. Di manakah boleh saya mendapatkan maklumat lanjut?

Sekiranya anda memerlukan maklumat tambahan mengenai insurans kemalangan diri, sila rujuk kepada risalah *insuranceinfo* untuk 'Insurans Kemalangan Diri' yang boleh didapati di semua cawangan kami atau anda boleh mendapatkan salinannya daripada ejen insurans atau layari www.insuranceinfo.com.my

11. Perlindungan Kemalangan Diri lain yang juga disediakan adalah:

- QBE INFLATION COVER
- QBE FLEXI Cover

Sila hubungi kami, jika anda mempunyai sebarang pertanyaan:

QBE Insurance Malaysia Berhad

Dilesenkan di bawah Akta Perkhidmatan Kewangan 2013 dan dikawal selia oleh Bank Negara Malaysia

No. 638, Aras 6, Blok B1, Leisure Commerce Square, No 9, Jalan

PJS 8/9 46150, Petaling Jaya,

Alamat Surat-menyurat: Peti Surat 10637, 50720 Kuala Lumpur. Nombor Telefon:

03 7861 8400 Nombor Faks: 03 78737430

E-mel: info.mal@qbe.com

NOTA PENTING:

Anda dinasihatkan untuk memberi perhatian kepada skala manfaat bagi kematian dan hilang upaya dalam polisi insurans anda. Anda mesti menamakan penama dan memastikan bahawa penama anda mengetahui tentang polisi kemalangan diri yang anda beli. Anda perlu membaca dan memahami polisi insurans dan berbincang dengan ejen atau terus menghubungi syarikat insurans untuk maklumat lanjut

Maklumat yang terdapat di dalam risalah pendedahan ini diterbitkan pada 29/02/2024 dan adalah sah sehingga semakan berkala yang berikutnya.

Manfaat-manfaat yang dibayar di bawah sijil/polisi/produk yang layak adalah dilindungi oleh PIDM sehingga had perlindungan. Sila rujuk Brosur Sistem Perlindungan Manfaat Takaful dan Insurans PIDM atau hubungi QBE Insurance (Malaysia) Berhad atau PIDM (layari www.pidm.gov.my).